



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎՃՌԱԲԵԿ ԴԱՏԱՐԱՆԻ ՆԱԽԱԳԱՀ**

Ո Ր Ո Շ ՈՒ Մ

**ԵՆԹԱԿԱՅՈՒԹՅԱՆ ՄԱՍԻՆ ՎԵՃԸ ԼՈՒԾԵԼՈՒ
ՎԵՐԱԲԵՐՅԱԼ**

2021 թվականի դեկտեմբերի 9-ին

ք. Երևան

ուսումնասիրելով ըստ հայցի Վերա Խաչատրյանի ընդդեմ Երևան տարածքի նոտար Նունե Սարգսյանի՝ 2013 թվականի փետրվարի 23-ի «Ժառանգության իրավունքի վկայագրերը չեղյալ համարելու և նոր ժառանգության իրավունքի վկայագրեր տալու մասին» որոշումն անվավեր ճանաչելու պահանջի մասին թիվ ՎԴ/8977/05/21 գործով ենթակայության մասին վեճը լուծելու համար Վճռաբեկ դատարանի նախագահին դիմելու վերաբերյալ Երևան քաղաքի առաջին ատյանի ընդհանուր իրավասության դատարանի՝ 2021 թվականի նոյեմբերի 17-ի որոշումը,

Պ Ա Ր Զ Ե Ց Ի

Գործի դատավարական նախապատմությունը.

1. Վերա Խաչատրյանի ներկայացուցիչը 2021 թվականի օգոստոսի 12-ին հայցադիմում է ներկայացրել Վարչական դատարան ընդդեմ Երևան տարածքի նոտար Նունե Սարգսյանի, որով պահանջել է անվավեր ճանաչել 2013 թվականի փետրվարի 23-ի «Ժառանգության իրավունքի վկայագրերը չեղյալ համարելու և նոր ժառանգության իրավունքի վկայագրեր տալու մասին» որոշումը:

2. Վարչական դատարանը (դատավոր՝ Ռ. Խանդանյան) 2021 թվականի սեպտեմբերի 23-ին որոշում է կայացրել հայցադիմումը վերահասցեագրելու մասին՝ հետևյալ պատճառաբանությամբ. «Մույն դեպքում պահանջի հիմքը ոչ թե նույնարի գործողությունների վիճարկումն է, այլ անմիջականորեն ժառանգման իրավահարաբերություններից բխող, ժառանգությունն ընդունելու և ժառանգության զանգվածի կապակցությամբ ժառանգների միջև ծագած վեճը, հետևաբար՝ այն վերաբերում է ոչ թե հանրային իրավահարաբերություններին, այլ ժառանգական իրավահարաբերություններին, որպիսի պարագայում այն ընդդարյալ չէ ՀՀ վարչական դատարանին»:

3. Թիվ ՎԴ/8977/05/21 գործը 2021 թվականի նոյեմբերի 1-ին մակագրվել է Երևան քաղաքի առաջին ատյանի ընդհանուր իրավասության դատարանի դատավոր Մ. Տաշյանին:

4. Երևան քաղաքի առաջին ատյանի ընդհանուր իրավասության դատարանը (դատավոր Մ. Տաշյան), 2021 թվականի նոյեմբերի 17-ի որոշմամբ գործի ենթակայության շուրջ ծագած վեճը լուծելու նպատակով գործն ուղարկել է Վճռաբեկ դատարանի նախագահին՝ հետևյալ պատճառաբանությամբ. «(...) Դատարան ներկայացված հայցադիմումի նուսումնասիրությունից երևում է, որ հենց ինքը հայցվորը, հայցադիմումում նշել է միայն վարչական իրավահարաբերություններ կարգավորող իրավանորմերը, այսինքն՝ հենց ինքը՝ հայցվորը, վիճարկվող որոշումը դիտարկել է որպես վարչական ակտ՝ հայցադիմումով նշելով, որ նույնար ժառանգության իրավունքի վկայագրերը չեղյալ համարելու և նոր ժառանգության իրավունքի վկայագրեր տալու մասին որոշում կայացնելիս չի արուգել դրա՝ օրենքին համապատասխանության հարցը, հաշվի չի առել որոշակի սպացույցների առկայության/բացակայության հարցը, նախքան արդեն իսկ տրված ժառանգության իրավունքի վկայագրերը չեղյալ համարելը հաշվի չի առել նորը տրամադրելու իրավական հնարավորության հարցը: Այսինքն՝ հայցադիմումի նուսումնասիրությունից անգամ երևում է, որ հայցվորը վիճարկվող որոշումը համարում է իր վիճակը վարթարացնող վարչական ակտ, իսկ առաջացած վեճը՝ հանրային իրավահարաբերություններից բխող:

(...)

Տվյալ դեպքում, հայցադիմումի ուսումնասիրությունից երևում է, որ հայցվորը վիճարկում է հենց նույնի գործողությունները՝ դրանք համարելով ոչ իրավաչափ և օրենքին հակասող այնպես, ինչպես և այդ գործողությունների արդյունքում կայացված նույնի որոշումը ժառանգության իրավունքի վկայագրերը չեղյալ համարելու և նոր ժառանգության իրավունքի վկայագրեր փալու մասին, ինչի կապակցությամբ և հայցվորը դիմել է դատարան ոչ թե հիշյալ որոշումն անվավեր ճանաչելու պահանջով՝ ժառանգման իրավահարաբերություններից բխող, ժառանգությունն ընդունելու կապակցությամբ ժառանգների միջև ծագած վեճն առկա լինելու պարճառարանությամբ, այլ դիմել է դատարան՝ նույնի ժառանգության իրավունքի վկայագրերը չեղյալ համարելու և նոր ժառանգության իրավունքի վկայագրեր փալու մասին որոշումը վերացնելու մասին պահանջով՝ նույնի գործողությունները ոչ իրավաչափ լինելու հիմքով իր վիճակը վարթարացնող վարչական ակտը վերացնելու պարճառարանությամբ»:

5. Թիվ ՎԴ/8977/05/21 գործը Վճռաբեկ դատարանում ստացվել է 2021 թվականի դեկտեմբերի 2-ին:

Ենթակայության մասին վեճի լուծման համար էական նշանակություն ունեցող փաստերը.

6. ՀՀ Կենտրոն նոտարական տարածքի նոտար Նունե Սարգսյանի կողմից 04.12.2012 թվականին տրված, սեղանամատյանի թիվ 8280 և 8279 համարների տակ գրանցված ըստ օրենքի ժառանգության իրավունքի վկայագրերի համաձայն՝ Հրաչիկ Հակոբի Զադունցի (մահացած 31.05.2012 թվականին) և Մաքսիմա Սոտրակի Զադունցի (մահացած 28.04.1995 թվականին) ամբողջ գույքի նկատմամբ ժառանգ է հանդիսանում նրանց դուստրը՝ Վերա Հրաչիկի Խաչատրյանը: Ժառանգական գույքը, որի համար տրված են վկայագրերը, բաղկացած է Երևանի Ավան 7-րդ փողոց թիվ 62/1 հասցեում գտնվող անշարժ գույքից: Ամբողջ անշարժ գույքը բաղկացած է 78,5քմ ընդհանուր մակերեսից, որից 56,1քմ բնակելի, 22,4քմ օժանդակ մակերեսից և 476,0քմ հողից:

7. ՀՀ Կենտրոն նոտարական տարածքի նոտար Նունե Սարգսյանի կողմից 23.02.2013 թվականին կայացված՝ «Ժառանգության իրավունքի վկայագրերը չեղյալ

համարելու և նոր ժառանգության իրավունքի վկայագրեր տալու մասին» որոշմամբ չեղյալ է համարվել Վերա Հրաչիկի Խաչատրյանին 04.12.2012 թվականին սեղանամատյանի 8280 և 8279 համարների գրանցմամբ Երևան Ավան 7-րդ փողոց թիվ 62/1 հասցեում գտնվող անշարժ գույքի նկատմամբ տրված ժառանգության իրավունքի վկայագրերը և նոր ժառանգության իրավունքի վկայագրեր են տրվել հանգուցյալներ՝ 28.04.1995 թվականին մահացած Մաքսիմա Սոտրակի Զադունցին և 31.05.2012 թվականին մահացած Հրաչիկ Հակոբի Զադունցին պատկանող անշարժ գույքի նկատմամբ Վերա Հրաչիկի Խաչատրյանին, Սերյոժա Հրաչիկի Զադունցին և Արմիկ Համբարձումի Մարտիրոսյանին:

Վճռաբեկ դատարանի նախագահի պատճառաբանությունները և եզրահանգումը.

8. Սույն գործով Վճռաբեկ դատարանի նախագահի առջև բարձրացված իրավական հարցը հետևյալն է. *նույսրի կողմից կայացված որոշումն անվավեր ճանաչելու պահանջից ծագած սույն իրավական վեճը թիսում է հանրային, թե՛ մասնավոր իրավահարաբերություններից:*

9. «Հայաստանի Հանրապետության դատական օրենսգիրք» ՀՀ սահմանադրական օրենքի 20-րդ հոդվածի համաձայն՝ *«Առաջին արյանի ընդհանուր իրավասության դատարանը քննում է դատական կարգով քննության ենթակա բոլոր գործերը, բացառությամբ մասնագիտացված դատարանների ենթակայությանը վերապահված գործերի»:*

«Հայաստանի Հանրապետության դատական օրենսգիրք» ՀՀ սահմանադրական օրենքի 24-րդ հոդվածի 1-ին մասի համաձայն՝ *«Վարչական դատարանին են ենթակա Հայաստանի Հանրապետության վարչական դատավարության օրենսգրքով նախատեսված գործերը»:*

10. ՀՀ քաղաքացիական դատավարության օրենսգրքի 18-րդ հոդվածի համաձայն՝ *«1. Քաղաքացիական գործերը ենթակա են քննության առաջին արյանի դատարանում, բացառությամբ «Մասնկության մասին» Հայաստանի Հանրապետության օրենքով նախատեսված դեպքերի:*

2. Քաղաքացիական են համարվում իրավունքի մասին վեճի հետ կապված բոլոր գործերը, բացառությամբ Հայաստանի Հանրապետության վարչական դատարանի (...) կամ Սահմանադրական դատարանի իրավասությանը վերապահված գործերի: (...)»:

ՀՀ քաղաքացիական դատավարության օրենսգրքի 126-րդ հոդվածի 1-ին մասի 1-ին կետի համաձայն՝ «Առաջին ատյանի դատարանը մերժում է հայցադիմումի ընդունումը, եթե գործը ենթակա չէ քննության քաղաքացիական դատավարության կարգով»:

11. ՀՀ վարչական դատավարության օրենսգրքի 81-րդ հոդվածի 1-ին մասի համաձայն՝ «Վարչական դատարանը, գործի քննության ցանկացած փուլում պարզելով, որ փյալ հայցադիմումի պահանջն ընդդարյա չէ իրեն, այն պարճատարանված որոշմամբ վերահասցեագրում է ըստ ընդդարյության»:

12. Սույն որոշման 9-11 կետերում վկայակոչված իրավադրոյթների վերլուծոյթունից հետևում է, որ օրենսդիրն առաջին ատյանի ընդհանուր իրավասոյթան դատարանին է վերապահել այն բոլոր գործերի քննոյթունը, որոնց քննոյթունը վերապահված չէ մասնագիտացված դատարաններին, այդ թվում՝ վարչական դատարանին: Մինսույն ժամանակ օրենսդիրը սահմանել է վարչական դատարանի ընդդատոյթան շրջանակը, որում ներառված են հանրային իրավահարաբերոյթուններից բխող վեճերից ծագող գործերը: Փաստորեն, որևէ դատական գործի՝ վարչական կամ առաջին ատյանի ընդհանուր իրավասոյթան դատարանում քննոյթան ենթակա լինելու հարցը որոշվում է՝ հիմք ընդունելով այն իրավահարաբերոյթան բնոյթը (մասնավոր կամ հանրային), որից բխող վեճը հանճնվում է դատարանի քննոյթանը:

Մինսույն ժամանակ հարկ է նշել, որ օրենսդիրը վարչական դատարանի ընդդատոյթան և առաջին ատյանի ընդհանուր իրավասոյթան դատարանի ենթակայոյթան կանոնների խախտման դեպքում նախատեսել է տարբեր իրավաբանական հետևանքներ:

13. Այսպես՝ ի տարբերոյթան քաղաքացիական դատավարոյթան, որտեղ ենթակայոյթան կանոնների խախտումը հայցադիմումի ընդունելոյթան փուլում

հանգեցնում է հայցադիմումի ընդունումը մերժելուն, վարչական դատավարությունում հայցվորի կողմից ընդդատության կանոնները չպահպանելու հետևանքը հայցադիմումը վերահասցեագրելու՝ վարչական դատարանի լիազորության կիրառումն է: Վերոգրյալ կարգավորումների տարբերությունը պայմանավորված է վարչական արդարադատության առանձնահատկություններով, մասնավորապես՝ վարչական դատավարությունում դատարանի ակտիվ դերակատարմամբ:

Այսպիսով, յուրաքանչյուր դեպքում վարչական դատարանը պարտավոր է պարզել՝ արդյոք կոնկրետ գործն ընդդատյա է (ենթակա է) տվյալ դատարանին, թե՛ ոչ, և նշված հարցի կապակցությամբ բացասական եզրահանգում կատարելու դեպքում պարտավոր է հայցադիմումը վերահասցեագրել ըստ ընդդատության: Նույն իրավիճակում առաջին ատյանի ընդհանուր իրավասության դատարանը պարտավոր է դրա ընդունումը մերժել՝ գործը քաղաքացիական դատավարության կարգով քննության ենթակա չլինելու հիմքով:

14. Հանրային և մասնավոր իրավահարաբերությունների տարանջատման հարցին մանրամասն անդրադարձ է կատարվել Վճռաբեկ դատարանի՝ «Վեսար» ՄՊԸ-ն ընդդեմ ՀՀ էկոնոմիկայի նախարարության մրավոր սեփականության գործակալության վարչական գործով 2016 թվականի ապրիլի 22-ի որոշմամբ¹:

15. Սույն գործով վիճելի իրավահարաբերության բնույթը պարզելու համար անհրաժեշտ է վերլուծել նոտարական գործողությունների իրականացման կարգը և ժառանգական հարաբերությունները կարգավորող իրավական նորմերը:

16. Այսպես՝ ՀՀ քաղաքացիական օրենսգրքի 1228-րդ հոդվածի 1-ին կետի համաձայն՝ «Ժառանգը կարող է առանց դատարանի դիմելու ժառանգությունն ընդունել այն ընդունելու համար սահմանված ժամկետի ավարտից հետո, եթե առկա է ժառանգությունն ընդունած մնացած բոլոր ժառանգների համաձայնությունը: Նման համաձայնություն պարունակող փաստաթղթերի վրա ժառանգների դրած ստորագրությունները պետք է վավերացվեն նույն օրենսգրքի 1226 հոդվածի 2-րդ կետում սահմանված կարգով: Ժառանգների նման

¹ Տե՛ս ՀՀ Վճռաբեկ դատարանի՝ 2016 թվականի ապրիլի 22-ի թիվ ՎԳ/0830/05/14 որոշումը:

համաձայնությունը հիմք է նույնի կողմից նախկինում փրված ժառանգության իրավունքի վկայագիրը չեղյալ համարելու և նոր վկայագիր փայլու համար»:

17. «Նոտարիատի մասին» ՀՀ օրենքի 2-րդ հոդվածի 1-ին մասի համաձայն՝ «Նույնի իր գործունեությունն իրականացնում է Հայաստանի Հանրապետության Սահմանադրության, Հայաստանի Հանրապետության քաղաքացիական օրենսգրքի (...), նույն օրենքի, այլ օրենքների և իրավական ակտերի ու Հայաստանի Հանրապետության միջազգային պայմանագրերի (...) հիման վրա»:

«Նոտարիատի մասին» ՀՀ օրենքի 3-րդ հոդվածի 1-ին և 2-րդ մասերի համաձայն՝ «Նույնի արդարադատության իրականացմանը նպաստող հանրային ծառայություններ իրականացնող անձ է, որը Հայաստանի Հանրապետության անունից, Հայաստանի Հանրապետության Սահմանադրությանը և օրենքներին համապատասխան, իրականացնում է նույն օրենքով նախատեսված նույնի կողմից գործողություններ և ծառայություններ: Նույնի կարգավիճակի առանձնահատկությունները սահմանվում են միայն նույն օրենքով:

Նույնի նույնի կողմից գործողություններ իրականացնում է փաստաթղթեր վավերացնելու կամ վավերացված փաստաթղթեր փրամադրելու կամ օրենքով նախատեսված այլ գործողություններ կատարելու միջոցով: (...):»:

«Նոտարիատի մասին» ՀՀ օրենքի 20-րդ հոդվածի 1-ին մասի համաձայն՝ «Անձը, որի շահերը շոշափում է նույնի գործողությունը կամ անձը, որին մերժվել է նույնի կողմից գործողություն կատարելը, կարող է կատարված նույնի կողմից գործողությունը կամ նույնի կողմից գործողության կատարումը մերժելը բողոքարկել դատարան»:

«Նոտարիատի մասին» ՀՀ օրենքի 36-րդ հոդվածի 1-ին մասի 19-րդ կետի համաձայն՝ «Նույնի իրականացնում է հետևյալ նույնի կողմից գործողությունները. (...) բոլոր ժառանգների համաձայնությամբ չեղյալ է համարում նախկինում փրված ժառանգության իրավունքի վկայագրերը»:

«Նոտարիատի մասին» ՀՀ օրենքի 62-րդ հոդվածի 2-րդ մասի համաձայն՝ «Ժառանգության ընդունման ժամկետը բաց թողած ժառանգը կարող է ժառանգությունն ընդունել ժառանգությունն ընդունած մյուս բոլոր ժառանգների համաձայնությամբ, որը պետք է ներկայացվի գրավոր: Ժառանգների նման

համաձայնությունը հիմք է նույսրի՝ նախկինում րված ժառանգության վկայագիրը չեղյալ համարելու և նոր վկայագիր տալու համար»:

18. Ժառանգության իրավունքի վկայագիրը դատական կարգով վիճարկելու առանձնահատկություններին անդրադարձ է կատարվել Վճռաբեկ դատարանի՝ Սերժիկ Պողոսյանն ընդդեմ ՀՀ Կենտրոն նույսրական տարածքի նույսր Էմմա Շարոյանի, երրորդ անձ Սյրոպիկ Պողոսյանի վարչական գործով 2015 թվականի նոյեմբերի 27-ի որոշմամբ²: Վճռաբեկ դատարանը եզրահանգել է. «(...) նույսրի կողմից տրամադրված ժառանգության իրավունքի վկայագիրը ՀՀ իրավական համակարգում վարչական ակտ չէ, ինչն էլ իր հերթին նշանակում է, որ անձն իրավունք չունի պահանջել վիճարկման հայցով վերացնել իր ենթադրյալ իրավունքները և ազատությունները խախտող ժառանգության իրավունքի վկայագիրը, քանի որ ՀՀ վարչական դատավարության օրենսգրքի համապատասխան կարգավորումների համաձայն՝ վիճարկման հայցն օրենսդրի կողմից նախատեսված հայցի տեսակ է, որն ուղղված է դատական ակտով միջամտող վարչական ակտն ամբողջությամբ կամ մասամբ վերացնելուն կամ փոփոխելուն: (...) Ժառանգության իրավունքի վկայագիրն անվավեր ճանաչելու պահանջը չի կարող դիրարկվել նաև որպես նույսրական գործողությունը վիճարկելու պահանջ, եթե ժառանգության իրավունքի վկայագիրն անվավեր ճանաչելու պահանջի հիմքում դրված չէ նույսրական գործողությունների վիճարկումը»:

19. ՀՀ վարչական դատավարության օրենսգրքի 220-րդ հոդվածի 1-ին մասի 1-ին կետի համաձայն՝ «Վարչական դատարանին ընդդարյա են՝ նույսրական գործողության կամ նույսրական գործողության կատարումը մերժելու իրավաչափությունը վիճարկելու վերաբերյալ գործերը (...)»:

20. Սույն որոշման 16-19 կետերում վկայակոչված իրավանորմերի և իրավական դիրքորոշումների վերլուծությունից հետևում է, որ տվյալ դեպքում անհրաժեշտ է պարզել, թե արդյո՞ք Երևան տարածքի նոտար Նունե Սարգսյանի՝ 2013 թվականի փետրվարի 23-ի «Ժառանգության իրավունքի վկայագրերը չեղյալ համարելու և նոր ժառանգության իրավունքի վկայագրեր տալու մասին» որոշումն

² Տե՛ս ՀՀ Վճռաբեկ դատարանի՝ 2015 թվականի նոյեմբերի 27-ի թիվ ՎԳ/4901/05/11 որոշումը:

անվավեր ճանաչելու պահանջի հիմքում դրված է նոտարական գործողությունների վիճարկումը: Այսպես՝ Վերա Խաչատրյանի ներկայացուցիչը հայցի փաստական հիմքում վկայակոչել է հետևյալը. «(...) նորար Նունե Սարգսյանի կողմից 23.02.2013 թվականի «Ժառանգության իրավունքի վկայագրերը չեղյալ համարելու և նոր ժառանգության իրավունքի վկայագրեր տալու մասին» որոշումը հակասում է օրենքին, քանի որ չի լուծում ժառանգատերերից Յուրա Զադունցի կողմից իր իրավանախորհների՝ ծնողների ժառանգական զանգվածի ընդունման, իսկ մահվանից հետո, նրան պարկանող ժառանգական զանգվածի ծավալի որոշման, այն ընդունած լինելու հարցերը, առկա չէ որևէ ապացույց առ այն, որ Սերյոժա Հրաչիկի Զադունցը օրենքով նախատեսված որևէ հիմքով ընդունել է իր ծնողների և եղբոր ժառանգությունը, այն ընդունելու ժամկետը բաց է թողել օրենքով նախատեսված հարգելի համարվող հիմքերից որևէ մեկով, որի պայմաններում նույնիսկ ժառանգատերերի ժառանգությունն ընդունած ժառանգների համաձայնությունը չէր կարող հիմք հանդիսանալ ժառանգությունը չընդունած ժառանգին ժառանգության վկայագիր տալուն»:

21. Այսպիսով՝ Վերա Խաչատրյանի հայցի առարկան 2013 թվականի փետրվարի 23-ի «Ժառանգության իրավունքի վկայագրերը չեղյալ համարելու և նոր ժառանգության իրավունքի վկայագրեր տալու մասին» որոշումն անվավեր ճանաչելն է, իսկ հայցի փաստական հիմքը՝ ժառանգի կողմից ժառանգության ընդունման իրավաչափությունը նոտարի կողմից չստուգելը և ժառանգության զանգվածը չհստակեցնելն է: Այսինքն՝ տվյալ պարագայում ժառանգության իրավունքի վկայագիրը վիճարկվում է նոտարի գործողությունների՝ ոչ իրավաչափ լինելու հիմքով, հետևաբար սույն գործով իրավական վեճը բխում է ոչ թե մասնավոր, այլ հանրային իրավահարաբերություններից:

Վերոգրյալի հաշվառմամբ, նկատի ունենալով, որ սույն գործով Վերա Խաչատրյանի և Երևան տարածքի նոտար Նունե Սարգսյանի միջև ծագած իրավական վեճը բխում է հանրային իրավահարաբերությունից, թիվ ՎԴ/8977/05/21 գործը ենթակա է ՀՀ վարչական դատարանին:

Հիմք ընդունելով վերոգրյալը և ղեկավարվելով ՀՀ քաղաքացիական դատավարության օրենսգրքի 26-րդ հոդվածի 2-րդ և 4-րդ մասերով՝

Ո Ր Ո Շ Ե Ց Ի

թիվ ՎԴ/8977/05/21 գործն ըստ հայցի Վերա Խաչատրյանի ընդդեմ Երևան տարածքի նոտար Նունե Սարգսյանի՝ 2013 թվականի փետրվարի 23-ի «Ժառանգության իրավունքի վկայագրերը չեղյալ համարելու և նոր ժառանգության իրավունքի վկայագրեր տալու մասին» որոշումն անվավեր ճանաչելու պահանջի մասին, ենթակա է ՀՀ վարչական դատարանին:

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ՝

ՀԱՄԼԵՏ ԱՍԱՏՐՅԱՆ